

SANFERMINAK

BIDASOA.HITZA.EUS

OARSOALDEA.HITZA.EUS

PASAI ANTZO 2022

Argazkia: Olatz Mitxelena

Pasaia Itsas Festibalaren bigarren ekitaldiak maiatzaren 26tik 29ra ekarriko du badiara itsas ondarearen esentzia. Aurretik badira jarduerak, baina itsas jaialdia egun horietan egingo dute ofizialki. Pasaia Udala eta Albaola Itsas Kulturaren Faktoria dira milaka bisitari ekar ditzakeen motore, betiere herriko eragileekin elkarlanean. Hainbat erakunde eta enpresak ere lagundu dute itsas festaren egituraketan. Gainera, udalerriko lau barrutietan egingo dituzte itsasaldiari lotutako ekitaldiak.

Ondare balioa duten ontzi tradizionalen nazioarteko topaketaren ideia ipa16otik gora barkuek izaera berezia emango diote jaialdiari, Euskal Herrian tamaina honetako bakarra baita Pagelditu zen antzera. Baina aurren, ingurumen txerpen, eta Aita Mari nahiz Zaporeak bezalako irabazi asmorik gabeko inizatibek tarte berezia izango dute, jaialdia bitarte saldutako sarreren diruaren zati bat haientzat izango delako: itsas ondarea, ingurumena, elkartasuna eta kultura elkarrekin hiltzen 26tik 29ra Pasaian. X



ANTXOKO JAIK 2022

OLAIA GERENDIAIN

Lehen aldia da Antxoko kartel lehiaketan parte hartzen duzuna?

Bai. Egun batean Azokan nintzen zerbait hartzen, eta Pasaia Itsas Festibalaren kartel bat ikusi nuen; oso polita iruditu zitzaidan, eta gogoia piztu zitzaidan halako zerbait egiteko, azken bost hilabeteetan, praktikan egin behar izan ditudan diseinuak oso lotuta egon baitira enpresari eta produktuari.

Etexera joan eta udalaren webgunean ikusi nuen kartel lehiaketan parte hartzeko epea zabalik zegoela, eta izena ematea erabaki nuen. Bi aste pasa nituen zer egin pentsatzen! Egungo kartelaren bozetoa eskuz egin nuen, eta gero digitalera pasa. Aste batzuk pasata deitu ninduten, esanez irabazi nuela.

Irabaztea beti da izugarritzko poztasuna. Lehen gauza egin nuena nire aitari deitzea izan zen, kontatzeko! Baina tira, izena eman nuen asko gustatzen zaidalako halakoak egitea, ez irabazteko in tentzioekin. Aspaldi ez nuen nire estiloko zerbait, disfrutatzeko soilik, egiten.



HITZA

«Aspaldi ez nuen nire estiloko zerbait, disfrutatzeko soilik, egiten»

LEIRE CORREYERO GOMEZ

KARTEL LEHIAKETAN IRABAZLEA

2022ko sanferminetako kartel lehiaketa irabazi du antxotarrak. Diseinuaren ageriko nahiz ezkutuko esanahiez mintzatu da.

Zer ikus daiteke kartelean?

Egoera dibertigarri bat, jai girokoa, alaia, sanferminetako elementu mitikoekin uztartuta. Hor da Antxoko San Fermin eliza, txupinazoren suziriekin atzean, erraldoiak eta buruhandiak...

Detailtxo asko ere baditu kartelak. Antxoko erreka egiteaz gain, eta agian benetan dena baino apur bat politago [barrez], zenbait ahate ere sartu nituen, *Fermintxo*, *Antxoko Errekako Ahatea* Facebook-eko orriari erreferentzia egiteko, baita errekako zubia... Noski, sanferminetako arropa zapiarekin, danborrada...

Koloreei dagokienez, Antxoko festekin beti pentsatzen dugu zuri-gorrian, baina kartela dibertigarriagoa egin nahi nuen, horregatik sartu nituen kolore gehiago.

Zein esanahi du zuretzat?

Niretzako kartelak, eta jaiek, orokorrean, irudikatzen dute maite dituzun horiekin pasatzeko dituzun jaiegunak.

Garrantzitsua da ongi pasatzea gorroto deliturik egon gabe, jazarpen eta erasorik gabe. Antxon nik uste oso kontuan hartzen dela feminismoa, LGTBI+ kolektiboarekin batera.

Kartela bukatzen ari nintzela, emakumeen presentzia nahiz kolektiboarena burura etorri zitzaizkidan, eta nahiz eta berandu zen horiek gehitzeko [barrez], nolabait jaso nahi izan nituen. Ortzadar bat sartu nuen horregatik. ✕

[Elkarrizketa osoa eta kartela, *oarso-aldea.hitza.eus* webgunean].





Ongi pasa Sanferminak!

Axular Plaza, 3. Pasai Antxo
Tel.: 943 34 05 42



Garbiketaren profesionalak
943 260 860

Gora Sanferminak!

Txatxamendi kalea 43, 110 poligonoa. Lezo
info@limpiezastxindoki.com
www.limpiezastxindoki.com

Papinen sorturikoa antxotarrei bueltatzeko

Antxok gune berri bat izango du datozen sanferminetan, Ibaiondoko zabalgunean:

Papineko Gazteriaren txosna. 150etik gora gaztek bat egin dute, jaiekin lortutako dirua urtean zehar inbertitzeko.

OLAIA GERENDIAIN

Pandemiak utzi du ezer onik Antxon. «Ezin genuen ezer egin, ez non elkartu, eta Papinera [Molinao aldean dagoen parajea] joaten hasi ginen hainbat gazte», egin du atzera begirakoa Peru Montalvok (Antxo, 2004). Hura da sortu berri den Papineko Gazteria herri mugimenduaren kideetako bat. Papinera zergatik galdetuta, «bizilagunak ez molestatzeko eta lasai elkartzeko» joaten zirela azaldu du Eider Garcia (Antxo, 1994) taldekideak. Bertan gauak eman eta hurrengo egunean garbiketa brigadak antolatzen zituzten guneke zaborra garbitzeko.

Ekain Iribarren (Antxo, 1995) da herri mugimenduaren beste partaideetako bat. Hark argi du Papineko gazteen has-



Zabor bilketa, bazkaria eta jolasak egin zituzten larunbatean Papin Egunean. Eli del Pozo

tapenak azken Inauterietan eman zirela. «Ezer» antolatu ez izanak mugiarazi zuen haren kuadrilla. «Esan genuen: 'Gazte piloa ginen atzo, parrandarako gogoarekin, eta ez genuen ezer herrian'».

Hortik aurrera, kuadrilla bati eta besteari dei egin, eta zenbait bilera informal egiten hasi ziren, gazteen gogoei forma emateko. «Lehen bileran mundu guztia elkartu zen», gogorarazi du Montalvok, «uste dut lau bat ordu eman genituela bertan azkenean, afaldu eta guzti».

100dik gora lagunekoko bilkurak egitea «kaotikoa» iritzita, WhatsApp talde orokor bat sortu eta bakoitzaren nahi edo gustuen arabera multzokatu ziren (marketina, gaua, logistika, ur jolasak, ekintza txikiak...). Horrela antolatu dute sanferminetarako egitaraua, eta baita 150etik gora lagun bildu zituen Papin Eguna ere. Jaiekin ateratako dirua «urte osorako sostengu ekonomiko» izatea nahi dute, ohiko larunbat batean, kasu, «herriari emandakoa bueltatzeko». ✕



San Ferminetako menu berezia

Kontsultatu hemen:



MIMOS TABERNA

Gure Zumardia. 20110 Pasai Antxo. 943 24 90 23  @mimosantxo



Taxi Jaizkibel

Donibane. Antxo.
San Pedro. Trintxerpe. Lezo

943.39.14.14



PASAI - LEZO

LIZEOA

Bizi Antxoko jaiak
EUSKARAZ

PROPOSAMENAK

HITZA



TXUPINAZOA

Hilaren 6an, 20:00etan, Gure Zu-mardian. Pasai Antxoko 2022ko Jaiak txupinazoarekin hasiko dira aurten ere. Suziria 20:00etan botako badute ere, jaien aurkezpen ekitaldia 19:30ean abiatuko da. Omenaldi berezia prestatu dute antxotarrek aurten.



**EGITARAU
OSOA
HEMEN**

labur.eus.oarsoagenda

HITZA



BERTSO SAIOA

Hilaren 9an, 19:00etan, Mimos ta-bernan. Alaia Martin, Nerea Ibarzabal, Andoni Egaña eta Amets Arzallusek Mimos tabernak, Antxoko Jai Batzorde-aren laguntzaz antolatutako San Ferminetako 16. Bertso emanaldia eskainiko dute, Azoka kanpoko plazan.

HITZA



DANBORRADAK

Hiru danborrada: ostegunean, osti-ralean eta larunbatean. Lehenengo danborrada haurren izango da, hilaren 7an, 18:00etatik aurrera. Bigarrena helduen danborrada izango da, hilaren 8ko 00:00etan hasita. Azkena Basari elkar-tearena, hilaren 9ko 20:30ean.

HITZA



GINKANA HERRIKOIA

Hilaren 8an, 17:00etan, Gure Zu-mardian. Antxoko hiru gazte taldeek, Topaguneak, Pasai Antxoko Gazte Asanbladak eta Papineko Gazteriak, elkarlanean antolatu dituzte Gazte Egune-ko bazkariaren ondorengo jolasak, *Ginkana Tropikal Herrikoia* izenpean.



**ERASO SEXISTA,
HOMOFOBO,
XENOFOBO
ETA TRANSFORIK
GABEKO JAIK
NAHI DITUGU!**

PASAIKO UDALA